



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

II. De medio cognitionis Angelicæ, seu speciebus intelligibilibus, an
nimiru[m], vnde, quas & quales species intelligibiles habeant Angeli.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

nimirum & possibilis. Ita Sanctus Thomas hic quæstione 54. articulo 4. Caietanus & Thomistæ ibidem, Gregorius de Valentia hic quæst. 5. pun. 2. Molina cit. quæst. 54. art. 4. Vasquez disp. 199. cap. 2. Suarez hic lib. 2. cap. 1. num. 13. & Albertinus tom. 1. princip. 1. coroll. 7. numer. 19. et si contrarium non pauci veteres Scholastici docuerint, in quibus Albertus lib. 4. de coœvis part. 1. q. 5. art. 11. & 12. & in sum. part. 2. tractat. 4. q. 14. memb. 3. art. 2. Richardus in 2. dist. 3. art. 6. quæst. 2. Scotus distinct. 3. quæst. vlt. Bassolis q. 4. art. 3. & significant Alensis 2. part. q. 22. mem. 3. & quoad modum loquendi sequitur etiam Bonaventura in 2. distinct. 3. part. 2. artic. 2. quæst. 1. qui tamen non ijsdem rationibus & fundamentis rem explicant. Albertus enim intellectum agentem Angelis tribuit, non ad producendas, sed ad illuminandas species, etiam concreatas & innatas. Sed frustra & contra communem Philosophiam. Scotus, Richardus, Bassolis, intellectum agentem Angelis tribuant ad producendas species: sed supponunt, Angelos sumere species à rebus materialibus; quod falsum esse patet. dub. sequent. Alensis verò ea ratione intellectum agentem Angelis tribuit, quia educt potentiam intellectus possibilis in actum per acceptiōnēm quandam specierum; quod aut idem esse debet cum præcedenti fundamento, aut si quid aliud est, sanc non magis est intelligibile & probabile.

Quare et si hæc quæstio aliquo modo sit de nomine, vt notauit etiam Sanctus Thomas ibidem, propriè tamen, & iuxta consuetam ac receptam ex Aristotele Philosophiam, loquendo de intellectu agente & possibili, probatur assertio. Quia intellectus agens, & possibilis in homine, non alia ratione distinguuntur, nisi quia ille à phantasmatibus abstrahit & producit species, & sic quasi obiectiuæ aut efficienter illuminat intellectum possibilem: possibilis vero ab agente intellectu recipit in se species, ijsque receptis producit & recipit intellectionem: id vero non conuenit Angelis, qui non accipiunt species à rebus materialibus sive obiecto; sed habent eas naturaliter congenitas, vt diceretur dub. sequent. Adit etiam Sanctus Thomas loc. cit. ad intellectum possibilem requiri, vt aliquando sit in pura potentia ad intelligendum, cum tamen Angelus nunquam ab omni plane intellectione cesseret, vt diceretur dub. 8.

Quod si quis dicat, ad distinctionem intellectus agentis, & possibilis in Angelis sufficere, quod vna & eadem potentia simul & producat intellectionem, & recipiat, is quidem de nomine tricabitur, sed simul abutetur nominibus: hac enim ratione etiam in quolibet sensu, & quauis potentia eliciente operationes immateriales, nomen & distinctio agentis & possibilis, seu patientis locum habebit; quod est absurdum.

Assertio IV. In Angelis non est alia cognitio, quam intellectiva; ac proinde nec alia potentia (immanenter operativa) quam voluntas & intellectus, quo etiam spectat memoria. Ita Sanctus Thomas quæst. 54. art. 5. Caietanus, & Thomistæ

ibidem, & communis Doctorum in 2. d. 3. quos sequuntur recentiores citati. Ratio est. Quia aliae potentia omnes sunt corporeæ. Quare etiam Commentator 12. Metaphys. dixit, *substantias separatas diuidi in intellectum & voluntatem*. Memo- ria autem aut est ipse intellectus, prout retinet species, & suo arbitriu per earum quasi vsum, intelligit, ac in mentem, sive actualē considerationem reuocat præterita; aut si est potentia intellectualis diuera, subseruit tamen intellectui & intellectioni; iuxta varias de memoria intellectua sententias Philosopherum. An autem nihilo minus in Angelis detur potentia operativa ad extra, distincta ab intellectu & voluntate, suo loco q. 5. dicetur: idcirco enim nunc, vt ab hac controversia abstraheretur, addidi in assertione limitationem, potentia *immanenter operativa*; quæ est ex mente S. Thomæ, vt ibidem dicetur, licet hoc loco non fuerit ab eo addita. Vtrum vero intellectus Angelicus specie differat ab humano, dicetur quæst. sequente.

D V B I V M II.

De medio Cognitionis Angelica, seu species intelligibilis: an nimirum, unde, quot, & quales species intelligibles habeant Angelii.

S. Thom. 1. part. q. 55. aa. 3.

R Ectè post declaratam quasi substantiam ipsius intellectu, & intellectu Angelicæ, S. Thomas de coœni medio eiusdem cognitionis agit; quæ sunt species intelligibilis, de quibus cum eodem S. Thoma sequentes assertions statuimus.

Assertio I. Angelus non omnia cognoscit immediate per suam substantiam, sed quedam per species intelligibilis essentiæ superadditas. Ita cum S. Thoma cit. quæst. 55. art. 1. Thomistæ omnes, ceterique Theologi communiter, specialiter Alensis 2. part. quæst. 24. memb. 2. & 3. Albertus 2. part. sum. tract. 4. q. 19. art. 11. Bonaventura in 2. dist. 3. part. 2. artic. 2. quæst. 1. Richardus a. 6. q. 1. Scotus q. 10. Agidius eadem dist. part. 2. q. 2. a. 1. Heruæus q. 4. a. 2. & 3. Maior q. 6. & 7. Argentina q. 2. a. 4. Capreolus q. 2. a. 1. Mansilius in 2. q. 7. a. 1. Henricus quodlib. 1. q. 12. & quodlib. 4. q. 7. Ferrariensis 2. cont. gent. c. 96. & ex recentioribus Molina cit. q. 55. a. 1. Gregorius de Valentia q. 6. punct. 1. Suarez Metaph. disp. 35. sect. 4. & hic lib. 2. cap. 3. Albertinus tom. 1. Princip. 7. coroll. 8. punct. 1.

Quanquam contrarium docent Durandus in 2. dist. 3. q. 6. Gabriel q. 2. a. 2. & 3. Ockam in 2. q. 15. & 16. Bassolis in 2. dist. 3. quæst. 3. & Arminensis in 2. dist. 7. q. 5. a. 1. aliquip Nominales, & ferè Henricus quodlib. 5. q. 14. qui negant species intelligibilis in Angelis, & ferè etiam in animalibus humanis, rati solam potentiam cum obiecto, vel effectu, vel alio modo concurrente, sufficere ad intellectionem. In quam sententiam, quoad

quoad Angelos, magis etiam inclinat Vasquez disp. 200. cap. 3. vbi ait: *rationes quidem efficaces suppetere, adprobandum, humanum intellectum instrui speciebus ad intelligendum; at vix certe villam esse rationem, qua id de intellectu Angelico eodem modo aperte eminetur.* Et disp. 201. num. 6. ait, *faciliter ad intelligendum videri, Angelum speciebus non indigere, ut intelligat, sed sola sua virtute posse intelligere aliquid, eo ipso, quod intra limites sui obiecti continetur.*

4 Ratio assertoris ex S. Thoma loc. citat. est. Quia ipsa essentia Angeli, cum finita sit, nec contineat omnia intelligibilia in se formaliter vel eminenter, sicut Deus, non potest omnia per seipsum representare: Requirit ergo species. Accedit quod cognitio Angelica vera & reali dependet ab obiectis, seu concursu obiectuum iuxta receptum axioma Philosophicum, *ex obiecto & potentia oritur notitia*, quod traditur etiam ab Augustino lib. de Trinit. c. 12. vbi ait: *Ab utroque enim notitia paritur, cognoscente & cognito:* Ergo vel obiectum ipsum per se, vel aliquid aliud ex parte obiecti, eiusque vim supplex, concurrit causaliiter ad cognitionem Angeli: obiectum vero ipsum, saltem quando vel distans, vel materiale est, id per se non potest praestare, nec ipsa substantia Angeli, quia nec est naturalis similitudo rerum omnium qua intelliguntur; nec continet formaliter vel eminenter eiusmodi perfectiones obiectorum materialium, alias enim etiam producere illa posset; Ergo concursus obiecti per species debet suppleri. His accedunt Aristoteles lib. 3. de anima c. 1. vel 4. vbi laudat Platonem, quod diceret, *intellectum esse locum formarum.* Et Proclus lib. de causis, proposit. 10. ait: *Intelligentias plenas esse formis rerum;* hoc est speciebus intelligibilibus. Citat etiam S. Thomas cit. a. 1. argum. sed contra. Dionysium cap. 4. de diuin. nom. *quod Angelii illuminentur rationibus rerum.* Verba, ad que respondebit videtur S. Thomas, secundum Peronij versionem, sunt ista: *Eorum quae sunt rationes discutunt diuina sibi accommodata illustratione.* Eodemque referri possunt illa verba inferius subsequentia, quae ad Deum refert: *Quaque in summo bono sunt excellentes formarum fabricationis, in ijs que formam non habent.* Et cap. 5. sub fin. docet exemplaria & rationes rerum unita & simplicissimè esse in diuina, mente, & inde inferioribus communicari. Fateor tamen, non sat constare, an hæc & similia ex mente Dionysij ad species intelligibiles pertinent. Rationes vero in contrarium solum pertinunt ex difficultate explicandi siue modum acquisitionis, siue vsum specierum: de qua re inferius agendum.

5 Assertio II. Angelus non accipit villas species ab obiectis; sed habet naturaliter sibi congenitas omnes illas, quæ naturali eius intellectio deserviunt. Ita S. Thomas hic cit. q. 55. a. 2. & 2. conf. gent. cap. 96. & cum eo Ferratiensis, Caietanus, & Thomistæ omnes; item Albertus 2. patt. sum. tract. 4. quest. 14. memb. 3. articulo 2. & libro de quatuor coœvis 1. part. quæstione 5. articulo 12. Bonaventura, Aegidius, Heruæus, Argentina, locis citatis assert. præced. quos sequuntur Gregorius de Valentia q. 6. pun. 2. Molina q. 55.

a. 2. Vasquez disp. 201. Suarez loc. cit. & hic lib. 2. cap. 8. & Albertinus loco citato.

Contrarium docent Scotus in 2. dist. 3. q. 11. Richardus art. 6. q. 2. Maior q. 7. Bassolis q. 4. a. 2. & 3. Marsilius in 2. q. 7. art. 1. & Alensis in 2. part. q. 24. memb. 2. & 3. quorum iste, vniuersum omnium rerum, ceteri vero retum saltem corruptibilium & singularium species Angelis primum post creationem ab obiectis aduenire docent; admittentes interim, rerum incorruptibilem, & vniuersalium species esse Angelo ab initio creationis sua congenitas.

6 Probatur autem assertio. Tum quia obiecta materialia non possunt agere in substantiam spiritualis; immaterialia vero extra se producere nihil possunt, nisi motum, motusque naturale instrumentum. Tum quia sepe ab Angelis intelliguntur obiecta pro�rta distantiæ, quæ nec pertantur spatium transmitte species possunt; nec agere in distans. Denique ad perfectionem vniuersi spectat, esse substantias quasdam creatas, quæ vi ipsius conditionis sua, connaturaliter in natum habeant omne principium, ad intelligentium requisitum; adeoque & species sibi congenitas. Argumenta vero contraria partis, quia petunt ex modo cognoscendi varia obiecta, & augmento seu noua acquisitione scientia Angelica respectu quorundam obiectorum, inferius dubiis sequentibus diluentur.

7 Assertio III. Probabilius tamen videtur, species non fluere effectiæ ab essentia Angelorum, sed esse ac dici ipsis connaturales, seu etiam velut naturales proprietates eisdem congenitas, quia in ipsa creatione sunt congenitæ ipsiæ à Deo, potentia eorum passiva id exigent, velut connaturale debitum; libere tamen à D E O persolendum, etiam supposita tam ipsorum Angelorum, quam ceterarum rerum existentia seu futuritione. Ita Ferratiensis 2. cont. gent. cap. 98. Molina q. 55. art. 2. disp. 2. Zumel eodem art. 2. Albertinus tom. 1. princip. 1. coroll. 8. num. 2. & prolixè Suarez hic lib. 2. cap. 7. à num. 1. vbi citat etiam Pesantum, Danielem Malonium, & Radum. Et saet S. Thomas cit. q. 55. a. 2. in corp. & ad 1. & q. 56. a. 2. ad 4. & in 3. patt. q. 9. art. 3. eti contrarium doceant Capreolus in 2. dist. 3. q. 2. a. 3. Caietanus in 1. 2. q. 50. a. 6. & q. 51. a. 1. & in 3. patt. q. 9. a. 3. Medina ibidem, Baines hic q. 55. a. 2. & Gregorius de Valentia quest. 6. pun. 1. qui species Angelorum tanquam proprietates stricte acceptas, ab eorum essentia effectiæ fluere dixerunt.

8 Sed probatur assertio. Tum quia si fluenter ab essentia, causa nulla esset, cur ipsa essentia per se non sufficeret ad intellectionem per modum representantis; quandoquidem tunc eminenter contineret perfectionem imaginis representationis, neque vel ob distantiam, vel materialiter illa posset ratio afferri, euf ipsa per se, tunc non immediate sufficeret ad representationem. Tum quia Angeli non habent species proprias omnium rerum possibilium, sed solum rerum quandoque existentium, vt inferius dicetur suis locis: Ergo species Angelicæ in particulari,

pendent à libero decreto Dei idque supponuntur, quo nimurum Dens has potius, non alias species, aut individua rerum voluit creare; quod si Deus, ut poteisset, alias res ac individua rerum creare, voluisse, Angeli non has, quas nunc habent, sed alias species fuissent habituri: Ergo non est verisimile, essentiam Angelorum esse ex se determinatam ad harum potius, quam aliarum rerum species per emanationem producendas; nec adeo etiam species emanare ab ipsorum essentia; alias enim semper ac eodem modo, etiam supposito alio quoconque libero Dei decreto, de producendis rebus alijs, emanarent.

Obijicitur primo, hac ratione species non posse dici Angelis connaturales, aut proprietates eorundem. Respondeo negando sequelam; non solum quia secundum S. Thomam, & multos alios, motus cœlorum est ipsis naturalis, cum tamen solum passiuè ab ipsis dependeat; sed etiam quia omnium iudicio forma & quantitas materia dicuntur naturalis, & hæc quidem etiam quasi proprietas naturalis, licet materia passiuè solum ad easdem concurrat. Sufficit ergo ad proprietatem seu passionem naturalem generatim, ut subiectum capacitate & appetitum naturale ad eam habeat, secundum quem ei naturaliter quodammodo debita sit talis forma.

Obijicitur secundo; Omni potentia passiuè naturali respondet potentia activa naturalis: hoc autem in proposito non fieret. Respondeo negando minorem, quia etsi hæc naturalis potentia activa non sit intrinseca in ipso Angelo, est tamen in ipso Deo, qui per modum cause naturalis hoc quasi debitum naturale, Angelo persoluit; ad eum modum, quo etiam Deus in dispositum corpus humanum infundit animam, & ceteris causis naturalibus agentibus per modum cause vniuersalis debitum concursum exhibet.

Assertio IV. Angeli nec omnia per unam speciem intelligunt; nec singula per diuersas; sed habent species plures, quarum singula distinctè representant plura; quæque eo sunt in quoouis Angelo in representando vniuersaliores, quo perfectioris naturæ est Angelus. Ita S. Thomas q. 55. a. 3. & q. 8. de verit. artic. 10. & in quæst. disp. de anima art. 7. & cum eo Capreolus loc. citat. Caietanus, & Thomistæ recentiores eodem art. 3. item Molina ibidem. Gregorius de Valencia q. 6. pun. 3. Albertinus loc. cit. Suarez Metaph. loc. cit. & hic lib. 2. cap. 14. 15. 16.

Probatur assertio sigillatim secundum omnes partes, referendo simili etiam eos, qui particulatum vniuersique parti eiusdem vel accedunt, vel aduerterantur.

Et enim prima pars est communis etiam ceterorum Scholasticorum, quos pro assert. 1. retuli: contra Henricum quodlib. 5. q. 14. qui cum concedat, habitum cognoscitum Angelii vocari posse speciem, dicit, esse vnicum tantum. Sed & Caietanus cit. a. 3. etsi concedat vniuersim plures species in Angelis, simul tamen putat, saltem supremum Angelum per vnicam tantum speciem omnia intelligere, quæ naturaliter intelligit; quod non videtur satis consentaneum S. Thomas, nec

est necessarium, & forte nec possibile, ut inferius dicatur. Probatur vero ea pars. Quia quo ratio seu medium cognoscendi magis est unum & simplex, eo cognoscens ipse perfectior est; & è contrario, quo ratio & medium cognoscendi ceteris paribus magis multiplicatur, eo cognoscens est imperfectior: propterea enim sensus externi, eorumque cognoscendi media, magis quam sensus internus, & huius media siue species, ceteris paribus, & respectu corundem obiectorum, magis quam intellectus species multiplicantur; & inter ipsos homines, quo quisque perfectior est intelligentia, eo plura per unum medium siue principium intelligit; Vnde etiam sumitur principium illud, Ea quæ inferioribus insunt diuisa; in superioribus reperiuntur: Ergo per unum tantum simplex medium cognoscere omnia, proprium est perfectissimi cognoscens, aliorum vero per plura. Quæ videtur ratio S. Thomas cit. artic. 3. & procul dubio procedit etiam secundum absolutum DEI potentiam, respectu totius infinitæ multitudinis omnium cognoscibilium, quæ à Deo cognoscuntur. Accedit etiam alia ratio. Quia species intelligibilis, ut colligitur ex specie visibili (in qua hoc meo iudicio ad sensum patet) est formalis quædam & naturalis similitudo rei in representando; atqui vix fieri posse videtur, ut una & eadem species sit rerum adeo diuersarum qualis qualis similitudo; ut magis inferiori dicatur: Ergo, &c.

Secundam partem, Angelos non cognoscere singula per diuersas species, præter citatos, tradunt etiam Albertus lib. de quatuor coevis 1. part. quæst. 5. articulo 12. Agidius in 2. distinct. 3. part. 2. quæstione 2. articulo 2. dub. 3. & 4. Argentina quæst. 2. articulo 4. Capreolus quæst. 2. articulo 1. & 3. Ferrariensis 2. cont. gent. cap. 9. 9. quos sequitur etiam Vasquez disputat. 202. cap. 2. & fauent Bonaventura dist. 3. part. 2. articulo 2. quæst. 1. & Henricus quodlib. 5. q. 14. etsi contrarium sentiant Scotus in 2. distinct. 3. quæst. 10. Richardus articulo 6. quæst. 2. Basfolis qu. 3. & Maior qu. 6. qui docent, singularum naturarum, & singulorum individuum, singulas species in Angelo esse. Sed probatur ea pars assertioris ex dictis. Quia quo intelligens est perfectius, eo principium ipsius intelligendi est simplicius, ut ita magis ad Dei perfectionem accedit, qui ut dictum, omnia per unam quasi speciem cognoscit.

Necvero obstat quicquam, quo minus una species altioris ordinis, plura distinctè representet quamvis diuersa: cum una visio sit plurium obiectorum simul, & unus conceptus seu notitia mentis possit esse plurium simul veritatum, praesertim in Angelis; & una visio beatifica representet DEVM infinite perfectum, & quidem ex veriori etiam, una cum pluribus rebus creatis, ut suo loco dictum: cum tamen & visio, & intellectio, sit formalis & expressa quædam similitudo rei. Et vniuersim potentia intelligendi eo plura simul & per eandem notitiam intelligit, quo perfectior est, ut pluribus declarauit Valentia, Vasquez, Suarez locis citatis.

Tertia

16 Tertia pars, quod species sint eo vniuersaliores, quo perfectior est Angelus, est contra Scottum, Bassolem, Richardum locis citatis, qui cum existimat, Angelos cognoscere singula per diueras species, absolute docent superiores Angelos non intelligere per pauciores species; item ex parte contra Heruatum, Ferratiensem, & fere Aegidium locis citatis, dum sentiuntur Angelos eiusdem ordinis, vel ut Heruatus dicit, eiusdem generis proximi, habere aequales species, etiam specie inter se differant. De qua re etiam Vasquez disput. 203. cap. 4. ita censet, ut nec probabili quidem conjectura in ullam partem quequam affirmari posse existimet. Sed ratio sancti Thomae citat. a. 3. non est contemnda, quam recte tuentur Valentia, Albertinus, Suarez locis citatis. Quia perfectius est, maioremque cum modo diuino intelligendi similitudinem habet, intelligere plura per unam speciem, quam per plures ceteris paribus: Ergo quo naturalis perfectio Angelis, saltem specifica, maior est, ed etiam ceteris paribus, & quoad natura rerum patitur, perfectiores adeoque vniuersaliores habent species.

Accedit auctoritas Dyonyssij hoc ipsum indicantis cap. 12. de diuin nom. vbi generatim ait: sanctos vero, & Reges, domino que ac DEOS, scripta diuina appellant gradus & orationes, qui in singulis primis obtinent, quoru opera secundi sue inferiores munera, qua a Deo proficiuntur, accipientes, tributionis diuisioni- que illorum simplicitatem in suis distinctionibus multiplicant & augent, earumque varietates primi ordines utiliter & diuine ad unitatem suam contrahunt, &c. Qua generali doctrina docemur etiam Angelos superiores scientiam vniuersaliorum & celiorum participare. Quod clarius docet idem Dionysius cap. 12. cœl. hierarch. vbi ait: sanctorum Cherubim ordo sapientia, scientiaque aliorum est participes. Ordines autem earum essentiarum, qua iis subiecta sunt, participes quidem etiam ipsi sunt & sapientia & Scientia; sed tamen eius, que pars est ad illos, & quæ inferiorem locum tenet. Vbi non solum docet scientiam inferiorum Angelorum esse, de paucioribus obiectis, sed etiam inferioris ordinis.

Quomodo vero hæc multiplicationis proportionio in Angelis particulatum se habeat, melius est, nostram in ea re fateri ignorantiam, quam pluribus inquirere. Videri possunt Aegidius & Suarez locis citatis: cuius illud cap. 16. numero 7. mihi probatur, pauciora illa vel plura non intelligenda de solis speciesbus; sed etiam de indiuiduis. Quod autem numero 9. addit, omnes Angelos saltem habere tot species, quot sunt essentiae specificæ rerum, quas intelligunt mihi non probatur, & ipse etiam numero 10. in dubio ponit.

Sed obiecit Scotus primo. Si datur in Angelis una species representans naturam ipsam, & indiuidua illius, aut è rebus naturalibus unam species aliquam superiorem, cum alijs inferioribus, tunc sequitur, una species representari posse infinita; quia indiuidua eiusdem speciei possunt esse, & quædam etiam

re ipsa sunt infinita. syncategoreticamente, puta infinitæ cogitationes etiam naturales vniuscuiusque Angeli, vel animæ, &c. Species etiam possibles rerum sub qualibet specie superiori determinata, deorsum descendendo, sunt infinitæ syncategoreticamente: Sed consequens est falsum: quia cum in qualibet specie intelligibili, sit alius perfectionis, vnam aliquam speciem, vel vnum aliquod indiuiduum representare, majoris erit perfectionis, plura; ac proinde simpliciter infinita perfectionis sit necesse est, posse infinita representare.

Respondeo cum Vasquez citat. disputatione 102. cap. 2. quod ad indiuidua attinet, concedendo sequelam, & negando minorem. Ad probationem respondetur, calculationem illam de infinito augmento procedere, quoties augmentum sit vniuox in eadem forma secundum intentionem vel extensionem quantitatis: non autem quando augmentum sit in perfectione & natura diversa rationis; tunc enim solum sequitur, speciem illam debere esse altioris rationis & perfectionis specificæ; quæ quidem ea ratione dici poterit infinita secundum quid, quia eminenter continet infinita; non autem simpliciter: alioquin enim pari ratione colligeretur, etiam visionem DEI in beatis simpliciter esse infinitam.

Quod vero ad species rerum attinet, negatur sequela; tum quia forte non sunt infinitæ species rerum possibles, deorsum descendendo; tum quia non est necesse ut species intelligibilis representans aliquam naturam superiorum, representet omnes etiam inferiores; sicut in nobis species hominis non representat speciem leonis, vt benè etiam Vasquez citat. disp. 102. cap. 2. Qui tamen addit, etiam si species infinita rerum, una species representetur; absurdum tamen, quod Scotus inde deducebat, non magis inde, consequens esse, quam de indiuiduis dictum.

Obiicitur secundo. Eadem ratione consequitur, una species ab Angelo cognosci posse omnia, quæcumque naturaliter per speciem intelligit: Sienim quo perfectiore est Angelus, eo plura per eandem speciem cognoscit; nec tamen ea quæ ab Angelis naturaliter cognoscuntur, aut cognosci possunt, sint infinita, nisi secundum rationem solam indiuiduam, qua per se non multiplicat species, sequitur aperte, saltem ascendendo in perfectione Angelica (quod fieri potest in infinitum syncategoreticamente) tandem deueniri posse ad aliquem Angelum tantæ perfectionis, qui ut alios inferiores omnes perfectione intelligendi superet, non nisi per unam speciem omnia cognoscat: id vero est absurdum: tum quia hoc ipso talis Angelus non poterit habere se perfectiorem & superiorum, cum perfectio intelligendi non possit ulterius crescere, quam ut per unam speciem omnia cognoscantur: siquidem omnia per essentiam cognosci à creatura, impossibile indicat. Thomas cit. a. 3. quanquā etiam si hoc ulterius ascendatur, hic tamen saltē necessario con-

quiescendum

quiescendum est, manente interim eadem, vi argumenti. Tum quia vna species debet habere, vnam rationem adequatam obiecti; qualis ab omnibus simul creatis obiectis abstrahi non potest. Tum quia si possibilis est Angelus tam perfectus, non est ratio, cur negetur re ipsa talis existere.

²⁰ Respondet primò, cum Caetano, etiam concedamus, deueniri posse ad Angelum, qui omnia cognoscat per vnam speciem, nunquam tamen idè deueniri posse ad aliquem, qui vel per solam essentiam intelligat omnia: vel qui non intelligat per pauciores species omnia, qua intelligit, quam quilibet inferior Angelus. Quia hoc ipso, quod in illo progressu condetur superior Angelus, accederet inferiori cui libet noua species eiusdem Angelis superioris; qua proinde inferior excederet numerum specierum in superiori; vt qui se ipsum non per speciem, sed per suam essentiam intelligit. Quæ responso locum habet, etiam si infinitum fieret progressio in superioribus Angelis creandis. Ad qualem ferè etiam modum respondet Suarez cit. lib. 2. cap. 16. num. 9. et si contingere possit, vt aliqui Angeli inæquales in perfectione cognoscant omnia, quæ sunt, per æqualem numerum specierum, nihil minus semper Angelum superiorem cognoscere, per vniuersaliores species, per extentionem ad representationem plurium rerum seu individuum possibilium: neque doctrinam de paucioribus species S. Thomæ intelligendam, nisi cæteris paribus, ex parte rerum representatarum.

²¹ Respondeo secundo cum Gregorio de Valentia cit. q. 6. punct. 3. negando sequelam; quia doctrina illa S. Thomæ, quod perfectiores Angelii cognoscant per species pauciores, intelligenda est vel de facto tantum, vel etiam de absolutâ Dei potentia, sed eousque tantum, quo usque indiminuendo specierum numero, respectu tanta varietatis, & multitudinis obiectorum, perueniri potest: at vero vt vna species sit naturalis similitudo tanta varietatis & diuersitatis rerum omnium, quæ nunc ab Angelis naturaliter cognoscuntur, equidem existimo impossibile: et si cum Caetano contrarium sentiat Suarez hic cap. 16. num. 15. Poterit tamen nihilominus crescere perfectio intelligendi Angelorum in infinitum syncategorematicè, non diminutione numeri specierum; sed tum claritate cognitionis eorumdem obiectorum, tum multitudine obiectorum, cognitorum. Neque vero ideo necessarium est vt vna quælibet species habeat vnum obiectum, adæquatum, secundum vnam rationem vniuersam; satis est, si in vnam aliquam rationem analogicè communem conueniant, vt recte cum Capreolo cit. art. 3. Ferrariensi cit. cap. 98. notauit Vasquez disp. 202. num. 8.

²² Dices. Vnde ergo constat, re ipsa nunc Angelos perfectiores semper per pauciores species eadem obiecta cognoscere; si id absolute ac vniuersim secundum totam Angelorum multitudinem possibilem, non est necessarium, nec possibile. Respondeo hoc nihilominus recte probari non solum auctoritate Dionysij citata, sed etiam ra-

tione S. Thomæ, facta tamen hac tacita suppositione, quod varietate & multitudine Angelorum nondum fuerit è peruentum, vt respectu obiectorum, quæ per Angelos modo cognoscuntur, non potuerit ulterius diminui numerus specierū, quod ad decorum & maiorem varietatem vniuersi aliquo modo pertinere videtur: eaque de causa supra in probatione tercia partis dixi, quod naturarum partitur.

Obiicitur tertio. Quisque Angelus inferior, per vnam aliquam speciem distincte cognoscit, speciem etiam vniuersalissimam supremi Angelii: Ergo etiam omnia obiecta, quæ per eandem speciem vniuersalissimam representantur, ac prout species inferioris Angelii non erit minus vniuersalis representando, quam supremi.

Respondeo negando primam consequentiam: quia ad distincte cognoscendam aliquam potentiam, vel habitum, seu actum, non est necesse distincte cognoscere omnia eius obiecta, ad que terminatur, sive quæ transcendentaliter respicit, saltem per vnam & eandem speciem: sed sufficit intrinsecam & essentialiem eius rationem habere perspectam; si modo saltem interim obiecta, quæ essentialiter respicit, per aliam vel alias species simul distincte cognoscantur, vt in propositione accedit. Omitto, quod scientia diuina à beatis distincte virtute videtur, nec tamen interim omnia illius obiecta distincte vlo modo cognoscuntur, vt suo loco dictum.

Assertio V. Angelii non omnia quæ cognoscunt etiam naturaliter, per species cognoscunt. Ita S. Thomas q. 56. a. 1. & communis Thæologorum, & patebit ex dub. sequenti, vnde constabit, Angelum per species ab initio infusas cognoscere omnia, præter Deum & se ipsum, sicutque adeo operationes, vt recte etiam notauit Suarez Metaph. disp. 35. sect. 4. An vero præter species naturaliter & à principio congenitas Angelo, dentur etiam ei progressu temporis alia, ad certa quædam obiecta cognoscenda, pender ex particulari explicatione singulorum obiectorum, de quibus dubijs sequentibus agendum est.

D V B I V M III.

De obiecto cognitionis Angelica naturalis, respectu rerum immaterialium: an nimis. Et quomodo Angelus naturaliter cognoscet se ipsum, aliosque Angelos, & Deum.

S. Thomas 1. p. q. 55. a. 3.
Explicato medio communi Angelica cognitionis, optima ratione sanctus Thomas agilatim obiecta eiusdem cognitionis explicare aggreditur. Ea autem varijsunt generis. Quædam naturalia sunt, alia supernaturalia. Illa rursum aut immaterialia sunt; vt est Deus, Angelus ipse cognoscens, Angelialij; aut materialia, tam vniuersalia, quam singularia; praesentia, futura, præterita; de quibus sigillatim agendum, initium

cum